



KETUA SETIAUSAHA
SECRETARY GENERAL

KEMENTERIAN KOMUNIKASI DAN MULTIMEDIA MALAYSIA
MINISTRY OF COMMUNICATIONS AND MULTIMEDIA MALAYSIA

ARAS 35, KOMPLEKS KKMM
LOT 4G9 PERSIARAN PERDANA, PRESINT 4
PUSAT PENTADBIRAN KERAJAAN PERSEKUTUAN
62100 PUTRAJAYA, MALAYSIA

Telefon : 03-8911 5254
Faksimili : 03-8911 5885
Laman Web : www.kkmm.gov.my

Ruj. Kami : KKMM.100-1/8/5 JLD.2 (3)
Tarikh : 24 DISEMBER 2021

EDARAN SEPERTI DI LAMPIRAN

YBhg. Datuk/Dato'/Dr./Tuan/Puan,

ARAHAN PENGGUNAAN SATU AKAUN BANK BAGI TUNTUTAN BAYARAN OLEH WARGA KKMM

Dengan hormatnya saya merujuk kepada perkara di atas.

2. Berikutan sesi *Townhall* KSU Bersama Kumpulan Pelaksana KKMM pada 16 Disember 2021, antara isu yang dibangkitkan adalah rungutan berkaitan keperluan dokumentasi setiap kali tuntutan bayaran dibuat. Semakan mendapati perkara ini berbangkit apabila pembayaran perlu dibuat ke dalam akaun bank penerima selain daripada akaun yang digunakan untuk pembayaran gaji kakitangan awam.

3. Keperluan mengemukakan dokumen sokongan ini adalah selaras dengan Surat Pekeliling Akauntan Negara Malaysia Bilangan 7 Tahun 2018 (SPANM Bil. 7/2018): Tatacara Pengurusan Bayaran dan diperincikan dalam Soalan Lazim (FAQ) SPANM bil. 7/2018, yang

...21-

menetapkan bahawa “*sekiranya bayaran menggunakan selain daripada nombor akaun emolumen pegawai atau terdapat keperluan penggunaan kod pembekal One Time Vendor (OTV), salinan penyata akaun bank yang aktif/dokumen yang menunjukkan nombor akaun bank yang aktif yang diperakukan sebagai 'SALINAN BENAR DARIPADA YANG ASAL'* perlu dikemukakan sebagai dokumen sokongan bayaran bagi meminimalkan risiko berlakunya penolakan EFT (EFT reject)”.

4. Selain itu juga, dalam usaha meningkatkan integriti proses pembayaran kerajaan, Jabatan Akauntan Negara Malaysia (JANM), melalui Garis Panduan Akauntan Negara Malaysia Bilangan 3 Tahun 2021 (GPANM Bil. 3/2021): Pelaksanaan Semakan Tambahan (*Second Validation*) Bagi Pembayaran Kerajaan Melalui Pindahan Dana Elektronik (*Electronic Funds Transfer*) bertarikh 10 November 2021, akan melaksanakan semakan tambahan ke atas nombor pendaftaran entiti dalam sistem iGFMAS dengan rekod di sistem bank mulai tahun 2022 bagi mengelakkan kesilapan pembayaran kepada penerima yang tidak tepat.

5. Sehubungan itu, bagi mengatasi isu yang dibangkitkan semasa sesi *townhall* tersebut dan seterusnya mengelakkan kemungkinan masalah penolakan bayaran di peringkat Bank apabila proses Semakan Tambahan mulai dilaksanakan, semua tuntutan pembayaran termasuk tuntutan perjalanan dan pelbagai tuntutan bayaran balik kakitangan awam KKMM hendaklah menggunakan **satu akaun bank sahaja** iaitu akaun bank yang digunakan untuk pembayaran gaji.

6. Pelaksanaan ini akan berkuat kuasa mulai **1 Januari 2022** dan terpakai kepada PTJ di bawah seliaan Bahagian Akaun KKMM. Walau bagaimanapun, ia juga digalakkan untuk dilaksanakan di peringkat PTJ Negeri bagi memastikan kelancaran proses pembayaran terutamanya ketika pelaksanaan Semakan Tambahan kelak.

Perhatian YBhg. Datuk/Dato'/Dr./Tuan/Puan dalam perkara ini amat diharapkan.

Sekian, terima kasih.

"WAWASAN KEMAKMURAN BERSAMA 2030"

"BERKHIDMAT UNTUK NEGARA"

Saya yang menjalankan amanah,



(DATO' SRI HAJI MOHAMMAD BIN MENTEK)

Ketua Setiausaha

Kementerian Komunikasi dan Multimedia Malaysia

LAMPIRAN

SENARAI EDARAN KEMENTERIAN

Setiausaha Bahagian Kewangan

Setiausaha Bahagian Khidmat Pengurusan

Pengarah

Institut Penyiaran dan Penerangan Tun Abdul Razak (IPPTAR)

SENARAI EDARAN JABATAN

JABATAN PENERANGAN MALAYSIA

Ketua Pengarah

Jabatan Penerangan Malaysia (Ibu Pejabat)

Pengarah

Jabatan Penerangan Malaysia, Wilayah Persekutuan Kuala Lumpur

JABATAN PENYIARAN MALAYSIA

Ketua Pengarah

Jabatan Penyiaran Malaysia (Ibu Pejabat)

Pengarah Penyiaran

Jabatan Penyiaran Malaysia, Negeri Selangor